

Parlamentario Marlon Sneek

Cremacion ta posibel awo tambe na Aruba

ORANJESTAD— Recientemente Parlamento di Aruba a trata e ley pa haci cremacion posibel.

Aruba tabata e unico pais den Reino na unda cremacion no tabata posibel. A tuma basta aña, prome cu un iniciativa di ley rond di cremacion wordo entrega na parlamento di Aruba.

Durante tratamento di e ley aki a bin dilanti cu den pasado Sr. Henny Eman y despues Sr. Edwin Jacobs tabata tin intencion pa entrega un iniciativa di ley pa haci cremacion posibel. Mester remarca cu ta aña pasa, na momento cu sr Andy Lee a salifor di Parlamento, el a entrega mi persona un dossier cu tabata contene e

trabounan preliminar pa por a yegana e ley di cremacion. Mi persona cu mucho gusto a tuma e trabou aki overy a sigui cana e caminda pa cual a trata e ley aki den Staten di Aruba. Mester bisa cu e ley aki ta duna e ciudadano e posibilidad pa, banda di dera, scoge pa por wordo crema. Pa loke ta tratamento di e ley aki, mester bisa cu Sr. Sneek a scucha idea y preocupacionnan di diferente instancia y persona. Entre otro cu e representantenan di e comunidad catolico, kendenan no a muestra ningun obheccion na e ley aki. Si nan kier a mira cu e parti caminda cufielnan por siguu icu e ceremonia pa cu nan ser stima cu a bay

nan dilanti y sigur pa por tin un luga caminda cu por pone e restonan mortal cu e famianan por bin y rindi respet y oracion na nan ser keru. Esaki manera cu e religion Catolico ta trece dilanti, cu tin un dia cu Señor lo bin bek pa busca su yiunan manera ta para den Pedro y Isaias.

Cu e ley aki nos ta otorga cada ciudadano un oportunidad pa scoge kico lo pasa cun'e despues cu Señor yam'e den su Reino y asina cumpli cu un derecho mas di e ser humano di por scoge pa esaki. Importante taca cada un persona cu pidi pa un permiso pa por tin un crematorio mester cumpli cu tur e rekisitonan cu ta para den e "vergunning",



Parlamentario pa fraccion di AVP Sr. Marlon Sneek.

cu ta entre otro garantiza pa e bisindario y comunidad den su totalidad no wordo molestia cu e operacion di e crematorio.

E exigencianan pa cu medio ambiente y "hinder" ta bay ta mas estricto. Mi ta contento di por a contribui pa duna comunidad un derecho mas, esta di por scoge con cada un di nos lo kier despidi di e mundo aki. □